



u Bosni i Hercegovini

Predsjednik Međunarodne organizacije GS1

## Miguel A. Lopera pozdravio učesnike Skupštine GS1 u Bosni i Hercegovini

Poštovani članovi Udruženja GS1 u Bosni i Hercegovini,

U ime Međunarodne organizacije GS1 želim vam uspješnu Skupštinu.

Prije svega želim vam čestitati na tome što ste u novembru 2008. godine donijeli važnu odluku o osnivanju nezavisnog udruženja GS1 u Bosni i Hercegovini. I nakon što je u junu 2009. godine okončan proces zakonske registracije, vaše udruženje je postalo punopravna članica Međunarodne organizacije GS1.

Jednako je važno i to što je licenca za korištenje sistema GS1 u Bosni i Hercegovini sada u vašim rukama.

Stoga ste sada u poziciji da možete razvijati usluge kao odgovor na potrebe privrednih društava – vaših članica. A to se prema principima Međunarodne organizacije GS1 mora raditi uz maksimalnu transparentnost i odgovornost prema svim članicama.

Želim da vas uvjerim da je Međunarodna organizacija GS1 ponosna na to što ste i vi, Udruženje GS1 u Bosni i Hercegovini, članica globalne porodice GS1.

Međunarodna organizacija GS1 pažljivo prati razvoj događaja u Udruženju GS1 u Bosni i Hercegovini i mi ćemo pružiti podršku vašem Udruženju kad god to bude potrebno.

Želim vam puno uspjeha u budućnosti, u globalnoj porodici GS1.



## Uvodnik

### Poštovani čitaoci,

Uz prvi broj naših Novosti GS1 želimo izraziti zadovoljstvo što smo u prilici da započnemo sa još jednim, potpuno novim vidom saradnje sa vama, korisnicima GS1 sistema standarda u Bosni i Hercegovini.

Počeci su uvijek i u svemu najteži. Ovo doduše, nije formalni početak implementacije GS1 standarda u Bosni i Hercegovini, ali je sigurno početak djelovanja u okolnostima koje su potpuno nove: od zakonske regulative, preko poticaja iz privrede do podrške koju nam daje Međunarodna organizacija GS1 sa sjedištem u Briselu, a svakako i druge GS1 nacionalne organizacije, u pogledu institucionalne i stručne pomoći.

Značaj koji našim novim aktivnostima pridaju čelni ljudi Međunarodne organizacije GS1, najbolje dokazuje obraćanje Predsjednika Miguela A. Lopere našoj Skupštini, kao i prisustvo direktora iz GS1 organizacija iz Nizozemske, Slovenije, Hrvatske i drugih, sjednicama Skupštine i Upravnog odbora Udruženja GS1.

Postojeće i nove usluge koje Udruženje GS1 nudi svojim članicama baziraju se prvenstveno, na GS1 standardima. Poznavanjem standarda i njihovom pravilnom primjenom, značajno se unapređuju poslovni procesi, kao i povezanost sa poslovnim partnerima i na domaćem tržištu i u međunarodnim poslovnim aktivnostima. Misija organizacije GS1 jeste pomoć članicama da nauče kako GS1 sistem funkcionira, kako ga ispravno koristiti u poslovanju i pomoći da na taj način minimiziraju troškove poslovanja.

O iskustvima i najboljoj poslovnoj praksi koja se ostvaruje u primjeni GS1 standarda, mi ćemo vas upoznati putem tematskih brošura, kao i na stranicama Novosti, našeg stručnog glasila, čiji prvi broj upravo držite u rukama.

Posebnu pažnju ćemo posvetiti edukaciji naših članova i tako omogućiti da što uspješnije ispune uslove koje pred njih postavljaju poslovni partneri iz savremenog poslovnog okruženja, od onog u susjednim zemljama, u Evropskoj Uniji i dalje.

Očekujemo također i vaša pitanja i sugestije iz oblasti primjene GS1 standarda, kao i vaša iskustva u njihovoj primjeni.

Saliha Osmanagić  
Direktorica Udruženja GS1

## Sa Skupštine Udruženja GS1

Na sjednici Skupštine Udruženja GS1, održane u aprilu 2010. godine, jednoglasno su usvojene brojne odluke, neophodne za rad Udruženja: Izvještaj o radu u 2009. godini, Finansijski izvještaj i Revizorski izvještaj za 2009. godinu, Plan aktivnosti i finansijski plan za 2010. godinu, Izbor novih članova Upravnog odbora Udruženja GS1 i dr.

### Članovi Upravnog odbora Udruženja GS1:

- Bukovac Jadranka, predsjednica, BOBITA d.o.o. Čitluk
- Avdukić Aida, MERCATOR d.o.o. Sarajevo
- Banović Milinko, SPRIND d.d. Sarajevo
- Barić Boris, KONZUM d.o.o. Sarajevo
- Čošabić Sandro, DELTA MAXI d.o.o. Banja Luka
- Hadžajlić Sanela, BIMAL d.d. Brčko
- Hadžić Amina, FARMAVITA d.o.o. Sarajevo
- Kovačević Seila, PLANET d.o.o. Posušje
- Medić Dijana, ADRIA MM d.o.o. Banja Luka
- Nikolić Dario, BINGO d.o.o. Tuzla
- Perić Mario, PERO d.o.o. Zenica
- Šarić Sanel, NORFISH BLAGAJ d.o.o. Mostar
- Žalić Ahmet, SANITEKS d.d. Velika Kladuša

## Seminar

### Bar Kod – Uslov za savremeno poslovanje

U organizaciji Udruženja GS1 u Bosni i Hercegovini, 20. aprila 2010. godine, u Hotelu Holiday Inn u Sarajevu, održan je prvi seminar na kojem su predstavljene prezentacije i predavanja pod zajedničkim nazivom: Bar Kod – Uslov za savremeno poslovanje.

Preko stotinu učesnika seminara pozdravila je direktorica Udruženja GS1, Saliha Osmanagić, koja je izrazila posebno zadovoljstvo zbog činjenice da su u Udruženju GS1 u Bosni i Hercegovini, već samo nekoliko mjeseci nakon početka rada, pokrenute aktivnosti na organizaciji redovne edukacije, sa ciljem obezbjeđenja potrebnih znanja iz oblasti primjene bar koda i ostalih GS1 standarda.

Kvalitetne prezentacije i predavanja je održao gost iz GS1 Croatia, gospodin Damir Šegović, i na taj način omogućio da se privrednici iz Bosne i Hercegovine, bliže upoznaju sa osnovnom ulogom bar koda i njihovom primjenom u različitim sektorima privrede i u različitim uslovima poslovanja.



# GS1 Bar kod – Nosioци podataka

	<p><b>Linijski kôd EAN-13</b></p> <ul style="list-style-type: none"> <li>• masovna upotreba, čini ga nezaobilaznim na prodajnim mjestima (PoS)</li> <li>• mogućnost skeniranja iz svih smjerova, pa je skeniranje brzo i efikasno</li> <li>• može se očitavati pomoću komercijalno dostupnih laserskih skenera</li> <li>• globalna zaštita GS1 simbologije (ISO/IEC 15420), linearna simbologija</li> </ul>
	<p><b>Linijski kôd GS1-128</b></p> <ul style="list-style-type: none"> <li>• masovna upotreba</li> <li>• mogućnost fleksibilnog odabira podataka</li> <li>• alfanumeričko kodiranje</li> <li>• globalna zaštita simbologije (ISO/IEC 15417)</li> <li>• linearna simbologija</li> <li>• može se očitavati komercijalno dostupnim laserskim skenerima</li> </ul>
	<p><b>GS1 DataBar</b></p> <ul style="list-style-type: none"> <li>• moguće očitavanje sa trenutno instaliranom skenerskom tehnologijom</li> <li>• mogućnost skeniranja iz svih smjerova</li> <li>• simbologija koja štedi prostor te je stoga prikladan za izrazito male proizvode</li> <li>• dodatne informacije se mogu kodirati u GS1 DataBar Expanded korištenjem sistema identifikatora aplikacije</li> <li>• globalna zaštita simbologije (ISO/IEC 24724)</li> </ul>
	<p><b>GS1 DataMatrix</b></p> <ul style="list-style-type: none"> <li>• izrazito kompaktna simbologija koja štedi prostor</li> <li>• veliki kapacitet za unos podataka (moguće je kodirati do 3116 znakova)</li> <li>• vrlo izdržljiv kada je izložen postupcima ispisa i čitanja</li> <li>• otporan na okruženja zahtjevnih radnih uvjeta (vlaga, prašina i slično)</li> <li>• globalna zaštita GS1 simbologije (ISO/IEC 16022)</li> </ul>
	<p><b>EPC/RFID</b></p> <ul style="list-style-type: none"> <li>• iznimno brz proces čitanja koji štedi vrijeme</li> <li>• za čitanje nije potrebna optička vidljivost</li> <li>• izuzetno pouzdano rješenje, čak i kod izloženosti ekstremnim uvjetima u okruženju, poput hladnog vremena ili direktne sunčeve svjetlosti</li> <li>• moguće je ostvariti praktično neograničen memorijski kapacitet</li> <li>• transparentna razmjena podataka u realnom vremenu</li> <li>• precizno lociranje proizvoda i optimizirano vrijeme za procese isporuke proizvoda</li> <li>• mogućnost elektronskog nadzora trgovačkih jedinica</li> </ul>

## Provjerite legalnost bar koda

GEPIR je svjetski elektronski katalog u kojem se nalaze podaci o svakom registrovanom korisniku GS1 bar kodova u svijetu: Podaci o preko 1,5 milion kompanija iz cijelog svijeta, u jednom registru!

GEPIR je u poslovnom svijetu prepoznat kao veoma koristan alat za provjeru podataka o poslovnim subjektima i potencijalnim partnerima. Provjera poslovnih subjekata korištenjem servisa GEPIR ulijeva potrebnu sigurnost da se uspostavljeni poslovni kontakti odvijaju sa globalno provjerenim poslovnim subjektima, a ne sa imaginarnim ili lažno predstavljenim preduzećima koja nelegalno koriste bar kod.

Ovaj elektronski katalog Vam omogućava da brzo i jednostavno dobijete precizne odgovore na pitanja: Ko je vlasnik robne oznake na proizvodu? Gdje se nalazi proizvođač? Koja je njegova adresa? Kako kontaktirati tu kompaniju?

Veoma jednostavno! Dovoljno je da pokrenete link GEPIR na web stranicama: [www.gs1bih.com](http://www.gs1bih.com), ili [www.gepir.org](http://www.gepir.org).

Ukoliko niste uspjeli pronaći podatke o Vašem preduzeću ili o Vašim proizvodima u Globalnom registru korisnika bar kodova GEPIR, kontaktirajte naš Ured!





# GS1

Međunarodna organizacija GS1 sa sjedištem u Briselu, Belgija, tokom posljednjih 30 godina, radi na projektovanju i uvođenju sistema globalnih standarda koji se koriste u lancu snabdijevanja.

GS1 standardi obezbjeđuju osnovu koja omogućava da se proizvodi, usluge i informacije o njima, efikasno i sigurno razmjenjuju, za dobrobit firmi i bolji život ljudi, svakog dana i svuda. GS1 standardi imaju podjednako važnu ulogu i za proizvođače i za potrošače.

GS1 standardi povezuju kompanije koje predstavljaju sve strane u lancu snabdijevanja: proizvođače, distributere, trgovine na malo, bolnice, prijevoznike, carinske organizacije, proizvođače softvera, lokalna i međunarodna regulatorna tijela i mnoge druge. GS1 standarde koriste veliki multinacionalni lanci kao i male prodavnice, svjetski poznate robne marke i samostalne zanatlije.



u Bosni i Hercegovini

Kontakt:  
Udruženje GS1  
Mehmeda Spahe 24  
71000 SARAJEVO  
Bosna i Hercegovina

T 033/258-646, 033/258-647  
F 033/922-452, 033/258-645  
E [info@gs1bih.com](mailto:info@gs1bih.com)

[www.gs1bih.com](http://www.gs1bih.com)

## GS1 - The Global Language of Business

